



REPUBLIKA E SHQIPËRISË
MINISTRIA E ARSIMIT
DHE SPORTIT
MINISTRI

Nr. 7226 Prot.

Tiranë, më 01. 10. 2014

UDHËZIM

Nr. 36, datë 01. 10. 2014

PËR

“KRITERET DHE PROCEDURAT E PRANIMIT DHE REGJISTRIMIT SË KANDIDATËVE QË APLIKOJNË PËR TRANSFERIM TË STUDIMEVE DHE PËR PROGRAM TË DYTË STUDIMI, NË PROGRAMET E CIKLIT TË PARË TË STUDIMEVE ME KOHË TË PLOTË, NË PROGRAMET E STUDIMEVE JOUNIVERSITARE PROFESIONALE DHE NË PROGRAMET E INTEGRUARA TË STUDIMEVE TË CIKLIT TË DYTË, NË INSTITUCIONET PUBLIKE TË ARSIMIT TË LARTË, NË VITIN AKADEMIK 2014-2015”

Në mbështetje të nenit 102 të Kushtetutës, të neneve 33, 35 dhe 36 të ligjit nr. 9741, datë 21.05.2007 “Për arsimin e lartë në Republikën e Shqipërisë”, të ndryshuar, si dhe Vendimit nr. 517, datë 01.08.2014, të Këshillit të Ministrave “Për kuotat e pranimi të studimeve me kohë të plotë në institucionet publike të arsimit të lartë, në ciklin e parë të studimeve, në programet e studimeve jouniversitare profesionale dhe në programet e integruara të studimeve të ciklit të dytë, si dhe tarifat e shkollimit për vitin akademik 2014 - 2015”,

UDHËZOJ:

1. Kandidatët e interesuar aplikojnë për transferim të studimeve dhe për program të dytë studimi nga data 1 Tetor deri në orën 12.00 të datës 6 Tetor 2014. Për programet e studimit që parashikojnë konkurs për pranimin e tyre, aplikimet kryhen nga data 1 Tetor deri në orën 12.00 të datës 3 Tetor 2014.
2. Studenti që aplikon për transferim studimesh, paraqet dokumentacionin e mëposhtëm pranë sekretarive mësimore që mbulojnë programin përkatës të studimeve:

- a. Kërkesa drejtuar IAL-së publike për programin e studimit, në të cilin do të transferojë studimet (ose formulari i aplikimit);
- b. Dokumenti origjinal i çregjistrimit, nga IAL nga ku transferohet (mund të paraqitet dhe në momentin e regjistrimit përfundimtar), i cili përmban:
 - i. Emri, Atësia, Mbiemri;
 - ii. Datëlindja;
 - iii. Vendlindja;
 - iv. Shtetësia;
 - v. Numri i matrikullimit që ka pasur në IAL – në përcjellëse;
 - vi. Emri i shkollës së mesme / IAL-së së kryer përpara ndjekjes së këtij programi studimi;
 - vii. ID e Maturës Shtetërore / nr. Regj. të veçantë¹;
 - viii. Numri personal i identitetit;
 - ix. Data e regjistrimit në programin e studimit të ofruar nga IAL - ja;
 - x. Emërtimi i programit të studimit dhe Fakulteti përkatës;
 - xi. Cikli dhe forma e studimit;
 - xii. Data e ndërprerjes së studimeve.
- c. Plani i plotë i programit të studimit përfshirë dhe syllabuset përkatëse;
- d. Vërtetim të listës së notave dhe krediteve të fituara për çdo lëndë dhe detyrim të shlyer, i cili do të shërbejë për ekuivalentimin e notave të lëndëve të programit të studimit të ndjekur;
- e. Fotokopje të noterizuar të diplomës së Maturës Shtetërore së bashku me çertifikatën e notave, ose të një dëftese/diplome tjetër studimi të fituar jashtë vendit, të vlerësuar të barasvlershme me të në Shqipëri dhe të njohur nga Ministria e Arsimit dhe Sportit (MAS). Kandidati që ka përfunduar shkollën e mesme në Republikën e Shqipërisë përpara vitit 2011, të dorëzojë fotokopje të noterizuar të dëftesës së pjekurisë të shkollës së mesme, së bashku me vërtetimin nga Agjencia Kombëtare e Provimeve (AKP) për shlyerjen e provimeve me zgjedhje nëse kanë dhënë provime të tilla. Në mungesë të diplomës së Maturës Shtetërore apo dëftesës së pjekurisë së shkollës së mesme duhet të paraqesë, respektivisht, vërtetim notash të Maturës Shtetërore dhe provimesh me zgjedhje (nëse kanë dhënë provime të tilla) të lëshuar nga AKP, ose dublikatë të dëftesës së pjekurisë të lëshuar nga drejtoria e shkollës së mesme dhe të vërtetuar në Drejtorinë Arsimore Rajonale/Zyra Arsimore përkatëse, ose listën e notave të shkollës së mesme të lëshuar nga Arkivi i Shtetit;
- f. Fotokopje e dokumentit të identifikimit (kartë identiteti, letërnjoftim ose pasaportë);
- g. Pagesën e tarifës së regjistrimit prej 3,000 lekë;
- h. Dy fotografi personale.

¹ Për kandidatët që kanë mbaruar shkollën e mesme para vitit 2006

3. Transferimi i studimeve mund të bëhet në një program studimi të njëjtë ose të ngjashëm të të njëjtit cikël e tipologji. IAL-ja mund të përcaktojë kritere të tjera shtesë të cilat përcaktohen në statut, në rregulloret përkatëse, ose me vendim të senatit akademik.
4. IAL-të nuk mund të pranojnë aplikime për transferime gjatë vitit akademik. Transferimi i studimeve do të kryhet në zbatim të procedurave dhe afateve të parashikuara në këtë udhëzim.
5. Studenti që aplikon për program të dytë studimi nuk duhet të jetë duke ndjekur një tjetër program studimi. Për të aplikuar, ai paraqet dokumentacionin e mëposhtëm pranë sekretarive mësimore që mbulojnë programin përkatës të studimeve:
 - a. Kërkesë drejtuar IAL-së publike për programin e studimit, në të cilin aplikon për program të dytë studimi (ose formulari i aplikimit);
 - b. Kopje të noterizuar e diplomës së studimeve universitare të kryera më parë, për të njëjtin nivel dhe lloj programi studimi, të shoqëruar me suplementin e diplomës;
 - c. Vërtetim të listës së notave dhe krediteve të fituara për çdo lëndë dhe detyrim të shlyer, i cili do të shërbejë për ekuivalentimin e notave të lëndëve të programit të studimit të ndjekur syllabuset përkatëse (nëse kërkohet njohja e provimeve të shlyera dhe/ose e krediteve përkatëse);
 - d. Fotokopje të noterizuar të diplomës së Maturës Shtetërore së bashku me çertifikatën e notave, ose të një dëftese/diplome tjetër studimi të fituar jashtë vendit, të vlerësuar të barasvlershme me të në Shqipëri dhe të njohur nga Ministria e Arsimit dhe Sportit (MAS). Kandidati që ka përfunduar shkollën e mesme në Republikën e Shqipërisë përpara vitit 2011, të dorëzojë fotokopje të noterizuar të dëftesës së pjekurisë të shkollës së mesme, së bashku me vërtetimin nga Agjencia Kombëtare e Provimeve (AKP) për shlyerjen e provimeve me zgjedhje nëse kanë dhënë provime të tilla. Në mungesë të diplomës së Maturës Shtetërore apo dëftesës së pjekurisë së shkollës së mesme duhet të paraqesë, respektivisht, vërtetim notash të Maturës Shtetërore dhe provimesh me zgjedhje (nëse kanë dhënë provime të tilla) të lëshuar nga AKP, ose dublikatë të dëftesës së pjekurisë të lëshuar nga drejtoria e shkollës së mesme dhe të vërtetuar në njësinë arsimore vendore (Drejtorinë Arsimore Rajonale)/Zyra Arsimore përkatëse, ose listën e notave të shkollës së mesme të lëshuar nga Arkivi i Shtetit;
 - e. Fotokopje të dokumentit të identifikimit (kartë identiteti, letërnjoftim ose pasaportë);
 - f. Pagesën e tarifës së regjistrimit prej 3,000 lekë;
 - g. Pagesën e tarifës për konkurrim prej 5,000 lekë për pranimin në konkurs (vetëm për kandidatët që aplikojnë për program studimi që parashikon kryerjen e konkursit për pranim);

h. Dy fotografi personale.

6. Të gjitha tarifat e regjistrimit për konkurrim në programet e ndryshme të studimit të ciklit të parë me kohë të plotë, të arkëtohen nëpërmjet sistemit bankar ose zyrave të postës shqiptare, për llogari të IAL-së publike përkatëse.
7. Konkursset e pranimit zhvillohen pranë institucioneve përkatëse të arsimit të lartë në datën 4 Tetor 2014, bazuar në aplikimet e paraqitura nga studentët sipas afateve të parashikuara në këtë Udhëzim. MAS monitoron konkursset e pranimit dhe procedurat e ndjekura për vlerësimin e studentëve. Vlerësimi i studentëve bëhet mbi bazën e rezultateve të Maturës Shtetërore (kur kjo nuk disponohet nga të gjithë kandidatët, për vlerësim përdoret mesatarja e notave të të gjitha viteve të shkollës së mesme) dhe të rezultateve të fituara nga konkursi i pranimit i organizuar nga këto institucione publike të arsimit të lartë, sipas përcaktimeve të parashikuara në Udhëzimin nr. 20 datë 06.08.2014 "Për zhvillimin e konkurseve të pranimit dhe tarifën e regjistrimit për konkurrim në disa programe studimi të ciklit të parë me kohë të plotë, në institucionet publike të arsimit të lartë, për vitin akademik 2014 -2015".
8. Institucioni i arsimit të lartë shpall listat e kandidatëve që kanë aplikuar për transferim studimesh dhe ato të kandidatëve që kanë aplikuar për program të dytë studimi, në vende të dukshme brenda orës 16.00 të datës 6 Tetor 2014, si dhe i përcjell Ministrisë së Arsimit dhe Sportit brenda kësaj date të dhënat për kandidatët që kanë aplikuar për transferim studimesh dhe të kandidatëve që kanë aplikuar për program të dytë studimi, respektivisht sipas Tabelave nr. 1a dhe 1b të përcaktuara në Shtojcën nr. 1, të këtij Udhëzimi, në formë shkresore dhe në formë elektronike në format excel.
9. Aplikimet për transferimin e studimeve dhe për program të dytë studimi shqyrtohen nga komisioni/komisionet i/e ngritur/a për këtë qëllim nga IAL-ja brenda orës 11.00 të datës 9 Tetor 2014. Komisionet kryejnë vlerësimin e dosjeve në zbatim të kuadrit ligjor e nënligjor në fuqi, si dhe të kriterëve të tjera shtesë të miratuara në statutin apo rregulloret përkatëse të IAL-së dhe të programit të studimit, të cilat duhet të shpallen në vende të dukshme brenda datës 1 Tetor 2014 dhe t'i bëhen me dije të gjithë kandidatëve që aplikojnë në momentin e aplikimit, së bashku me pikët vlerësuese për çdo kriter vlerësimi.
10. Komisioni kryen renditjen e kandidatëve bazuar në pikëzimin për çdo kriter vlerësimi, e cila shpallet nga dekanati përkatës në ambjentet e Fakultetit dhe IAL-së, si dhe faqet web përkatëse, e plotësuar sipas Tabelave nr. 2a dhe 2b të parashikuara në Shtojcën nr. 2 të këtij udhëzimi, respektivisht, për kandidatët që

kanë aplikuar për transferim studimesh dhe për kandidatët që kanë aplikuar për program të dytë studimi, brenda datës 9 Tetor 2014, si dhe i dërgohet Ministrisë së Arsimit dhe Sportit, e plotësuar sipas këtyre formateve, në formë shkresore dhe elektronike në format excel.

11. MAS shqyrton materialet e paraqitura dhe brenda datës 13 Tetor 2014, miraton dhe shpall në faqen e saj web të dhënat për kandidatët fitues si dhe renditjen e të gjithë kandidatëve që kanë aplikuar. Këto të dhëna i përcillen institucioneve të arsimit të lartë për regjistrim përfundimtar të kandidatëve brenda të njëjtës datë.
12. Kandidatët fitues kryejnë regjistrimin e tyre përfundimtar në institucionet e arsimit të lartë nga data 13 Tetor 2014 deri në orën 12.00 të datës 15 Tetor 2014. Me datë 15 Tetor 2014 brenda orës 16.00 institucionet e arsimit të lartë shpallin në vende të dukshme, publikojnë në faqen e saj web si dhe ia përcjell MAS elektronikisht në adresën: linda.pustina@arsimi.gov.al dhe dhimiter.bako@arsimi.gov.al, listën emërore të kandidatëve të regjistruar. Në rast se brenda këtyre afateve nuk janë paraqitur për regjistrim kandidatët të cilët rezultojnë fitues sipas renditjes së shpallur, institucionet e arsimit të lartë mund të pranojnë për regjistrim kandidatët vijues, në listën e renditur të shpallur, si dhe që plotësojnë kriteret e përcaktuara në pikën 3 dhe pikën 4 të Urdhrit nr. 387 datë 30.09.2014 "Për shpërndarjen e kuotave të transferimit të studimeve, si dhe kuotat për programe të dyta studimi, në programet e ciklit të parë të studimeve me kohë të plotë, në programet e studimeve jouniversitare profesionale dhe në programet e integruara të studimeve të ciklit të dytë, në institucionet publike të arsimit të lartë, në vitin akademik 2014-2015" deri në plotësimin e kuotave përkatëse të studimit të parashikuara për atë program studimi, duke njoftuar kandidatët që janë të vendosur më poshtë në listë. Nëse një nga kandidatët vijues heq dorë me shkrim nga regjistrimi në programin përkatës, institucionet e arsimit të lartë depozitojnë dokumentin dhe vijojnë me regjistrimin e kandidatit vijues në listë. Afati i fundit për regjistrimin e kandidatëve është data 17 Tetor 2014.
13. Institucionet publike të arsimit të lartë i dërgojnë MAS-it dhe AKP-së brenda datës 3 Nëntor 2014, në rrugë postare, listën e studentëve të regjistruar, në formë shkresore dhe elektronike në format excel, me qëllim pajisjen me numër matrikullimi. Për të gjitha emrat e studentëve të dërguara pas kësaj date nuk do të procedohet me dhënien e numrave të matrikullimit dhe do të kërkohet nga AKP-ja çregjistrimi i tyre.

14. Në të gjitha rastet, kandidati duhet të nënshkruajë deklaratën sipas Shtojcës nr. 3 të këtij Udhëzimi.
15. Ngarkohen për zbatimin e këtij Udhëzimi, Sekretari i Përgjithshëm, Drejtoria e Arsimit të Lartë dhe Shkencës, në Ministrinë e Arsimit dhe Sportit, Agjencia Kombëtare e Provimeve, si dhe institucionet publike të arsimit të lartë.

Ky udhëzim hyn në fuqi menjëherë dhe botohet në "Fletoren Zyrtare".

LINDITA NIKOLLA

MINISTËR



Shtojca nr. 3

Deklaratë

Unë i nënshkruari _____, lindur më _____
emri atësia mbiemri

me kartë identiteti/pasaportë nr. _____

1. Autorizoj institucionin e arsimit të lartë _____, Ministrinë e Arsimit dhe Sportit dhe Agjencinë Kombëtare të Provimeve për trajtimin e të dhënave të mia personale në kuadër të aplikimit dhe regjistrimit për vazhdimin e studimeve universitare në Institucionin e sipërcituar, si dhe publikimin eventual të tyre.
Autorizoj, gjithashtu Ministrinë e Arsimit dhe Sportit dhe Agjencinë Kombëtare të Provimeve për kryerjen e të gjitha verifikimeve dhe marrjen e të gjitha informacioneve lidhur me: studimet universitare ku kam aplikuar për t'u regjistruar, periudhën e studimeve të kryera më parë, dhe çdo lloj verifikimi tjetër që lidhet me sa më sipër.
2. Deklaroj se nuk kam aplikuar për t'u regjistruar në asnjë institucion tjetër të arsimit të lartë, për vitin akademik 2014-2015.
3. Deklaroj se nuk po ndjek ndonjë program tjetër studimi në institucione të tjera të arsimit të lartë, dhe se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.
4. Deklaroj se jam njohur me Udhëzimin "Për kriteret dhe procedurat e pranimit dhe regjistrimit së kandidatëve që aplikojnë për transferim të studimeve dhe për program të dytë studimi, në programet e ciklit të parë të studimeve me kohë të plotë, në programet e studimeve jouniversitare profesionale dhe në programet e integruara të studimeve të ciklit të dytë, në vitin akademik 2014-2015" dhe jam i qartë për procedurat e aplikimit për transferim/program të dytë studimi, si dhe plotësoj kriteret e parashikuara në Urdhrin "Për shpërndarjen e kuotave të transferimit të studimeve, si dhe kuotat për programe të dyta studimi, në programet e ciklit të parë të studimeve me kohë të plotë, në programet e studimeve jouniversitare profesionale dhe në programet e integruara të studimeve të ciklit të dytë, në vitin akademik 2014-2015", për të aplikuar për transferim studimesh/program të dytë studimi.
5. Deklaroj se jam njohur në momentin e aplikimit me kriteret e tjera shtesë të miratuara në statutin apo rregulloret përkatëse të IAL-së dhe të programit të studimit, si dhe me pikët vlerësuese për çdo kriter vlerësimi, dhe jam dakord për sa më sipër.
6. Deklaroj vërtetësinë e të dhënave dhe dokumenteve të paraqitura. Jam i vetëdijshëm se, në rast deklarami të të dhënave të pavërteta apo të paraqitjes së dokumentave të fallsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Në rast dyshimi për vërtetësinë e informacionit të deklaruar, Ministria e Arsimit dhe Sportit dhe/ose Agjencia Kombëtare e Provimeve dhe/ose IAL-ja nisin procedurën e kontrollit të tyre duke ia përcjellë këto të dhëna eventualisht edhe organeve kompetente.

Emër Atësi Mbiemër
i kandidatit

Firma

Emër Mbiemër
i punonjësit të sekretarisë mësimore

Firma

Vendi: _____ Data: ____ . ____ . _____